

28 暗光鳥咧叫的時

「你有十箍無？」
“Lí ũ tsáp khoò --bô?”

拄共車停好，
Tú kā tshia thîng hó,

一个少年仔行倚來我身軀邊按呢問。
tsit ê siàu-liân-á kiânn
uá lâi guá sin-khu-pinn
án-ne m̄ng.

心情當齷齪，
Sim-tsîng tng ak-tsak,

共幌頭講無，
kā hàinn thâu kóng bô,

就無閣插伊。
tō bô koh tshap --i.

逐年佇暗光鳥咧叫的這個時陣，
Ták nî tī àm-kong-tsiáu
teh kiò ê tsit ê sî-tsūn,

阮的神經線就愛開始絞予緬，
guán ê sîn-king suànn tō
ài khai-sí ká hōo ân,

因為大漢後生致著「躁鬱症」，
in-uī tuā-hàn hāu-senn tì-
tiòh “sò-ut-tsing” ,

佇三、四月春天桃花開的時上勢發
作。
tī sann, sì-guèh tshun-
thinn thō-hue khui ê sî
siōng gâu huat-tsok.

症頭若夯起來，
Tsing-thâu nā giâ --khí-
lâi,

阮規家伙仔就予伊舞甲摔跋反。
guán kui-ke-hué-á tō hōo i
bú kah tshia-puàh-ping.

這是伊致病了後第三擺發作，
Tse sī i tì-pēnn liáu-āu
tē-sann pái huat-tsok,

送伊來蹠精神病院，
sàng i lâi tuà tsing-sîn
pēnn-īnn,

阮嘛足姑不而將。
guán mā tsiok koo-put-jî-
tsiong.

伊是一个真守本份的囡仔，
I sī tsit ê tsin siú pún-
hūn ê gín-á,

彼當陣伊為著欲成全我進修的心願，
hit-tang-tsūn i uī-tiòh
beh sing-tsuân guá tsin-
siu ê sim-guân,

高職畢業的時，
ko-tsit pit-giap ê sî,

放棄升學的機會去做志願役。
hòng-khì sing-hák ê ki-huē
khì tsò tsì-guân-ik.

阮有約束，
Guán ū iok-sok,

等我畢業換伊轉來讀冊。
tán guá pít-giáp uānn i
tńg--lâi thák-tsheh.

無疑悟，
Bô-gî-ngōo,

才做兩年半，
tsiah tsò nńg nî puànn,

伊就精神病發作。
i tō tsing-sîn-pēnn huat-
tsok.

軍方佇伊出院了後隨強制辦退伍，
Kun-hong tī i tshut-īnn
liáu-āu suī kiông-tsè pān
thè-ngóo,

兩個月後伊又閣發生車禍，
nńg kò guéh āu i iū-koh
huat-sing tshia-hō,

拚甲真嚴重。
lòng kah tsin giâm-tiōng.

病院親像咧修理家私頭仔全款，
Pēnn-īnn tshin-tshiūnn teh
siu-lí ke-si-thâu-á káng-
khuán,

遮補遐紕，
tsia póo hia thīnn,

終其尾共伊救轉來。
tsiong-kî-bué kā i kiù
--tńg-lâi.

車禍了後，
Tshia-hō liáu-āu,

因為有傷著頭殼，
in-uī ū siōng-tiōh thâu-
khak,

伊的反應已經無較早遐精光矣，
i ê huán-ìng í-king bô
khah-tsá hiah tsing-kong
--ah,

毋過阮嘛是用耐心恰愛心陪伊復健。
m̄-koh guán mā sī iōng nāi-
sim kah ài-sim puê i hòk-
kiān.

精神科的藥仔，
Tsing-sîn-kho ê iōh-á,

一日三頓加宵夜，
tsit jít sann tng ka siau-
iā,

毋敢清彩閨。
m̄ kánn tshìn-tshái làng.

醫生有交代，
I-sing ū kau-tài,

藥仔愛照起工食，
iōh-á ài tsiàu-khí-kang
tsiàh,

盡量顧予莫閣夯起來，
tsīn-liōng kòo hōo mài koh
giā --khí-lâi,

若無，
nā-bô,

定定發作對伊的腦細胞有傷害。
tiānn-tiānn huat-tsok tuì
i ê náu-sè-pau ū siong-
hāi.

它一个做人爸妈的無向望囡仔健康？
Tó tsit ê tsò lāng pē-bú
--ê bô òng-bāng gín-á kiān-
khong?

阮共伊攔佇身軀邊，
Guán kā i ānn tī sin-khu-
pinn,

就是向望伊看會使較緊恢復正常人的
生活無。
tō sī òng-bāng i khuànn ē-
sái khah kín khue-hòk
tsìng-siông-lāng ê sing-
uáh --bô.

毋過畢竟是大腦破病，
M-koh pīt-kìng sī tuā-náu
phuà-pēnn,

便若去揣工課，
piān-nā khì tshuē khang-
khue,

予人知影伊咧食精神科的藥仔，
hōo lāng tsai-iánn i teh
tsiáh tsing-sîn-kho ê iòh-
á,

就予同事點油做記號。
tō hōo tông-sū tiám-iû tsò
kì-hō.

食藥仔了後手會掣，
Tsiáh iòh-á liáu-āu tshiú
ē tshuah,

較幼路的、
khah iù-lōo --ê,

愛操作機台的工課阮嘛毋敢予允。
ài tshau-tsok ki-tâi ê
khang-khuè guán mā m̄ kánn
hōo ín.

佇康復期，
Tī khong-hòk-kî,

in 佢咱仝款攏真正常，
in kah lán kāng-khuán lóng
tsin tsìng-siông,

干干仔媒體對 in 無友善，
kan-kan-á muî-thé tuì in
bô iú-siān,

定定講 in 是「無定時的炸彈」，
tiānn-tiānn kóng in sī “bô
tīng-sî ê tsà-tuānn”，

予阮遮的家屬感覺真無奈！
hōo guán tsia-ê ka-siòk
kám-kak tsin bô-nāi!

「你有十箍無？」
“Lí ū tsáp khoò --bô?”

後生問我。
hāu-senn m̄ng --guá.

「你掙十箍欲創啥？」
“Lí tìh tsáp khoò beh
tshòng siánn?”

伊用指指指佇診療室邊仔的彼台販
賣機，
i iōng kí-tsáinn kí tī
tsín-liâu-sik pinn--á ê
hit tâi huàn-bē-ki,

原來伊提十箍是欲去橐礦泉水來欸。
guân-lâi i thèh tsáp khoò
sī beh khi lok khòng-
tsuân-tsuí lâi lim.

食藥仔真勢喙焦，
Tsiáh iòh-á tsin gâu
tshuì-ta,

這嘛是 in 著愛忍受的副作用之一。
tse mā sī in tiòh-ài jím-
siū ê hù-tsok-iōng tsi it.

車駛離開病院，
Tshia sái lī-khui pēnn-
inn,

耳空邊蓋成閣有聽著暗光鳥咧叫的
聲。
hīnn-khang pinn kài sīng
koh ū thiann-tiòh àm-kong-
tsiáu teh kiò ê siann.

當頭白日呢，
Tng-thâu-pèh-jit --neh,

這隻當咧瘡痧娣仔的暗光鳥，
tsit tsiah tng-teh siáu
phānn tshit-á ê àm-kong-
tsiáu,

敢也精神錯亂矣？
kám iā tsing-sîn tshò-luân
--ah?